

gojsaeh iq

Ndwencieng Diegcoj

故乡的春节

□ Siuj Vabdob

Yaek gvaq cieng lo.

Gak ranz cungj hainduj bwh gijhuq gvaq cieng. Doiq cieng, cih fuk gai ndaej ceiq ndei, gwnzhaw doq venj hwnj daengloengz youh hoengz youh hung, gyaе ’gyae yawj gvaqbae, lumj gwnz mbwn byaeu hwnj gyoengz feiz foengxoq ndeu nei.

Yawj gyoengqvunz ndaetfwdfwd, gou nanzmienx siengj daengz ndwencieng diegcoj lo.

Bihaenx, gou caeuq bohmei itheij baema ranzcoj caeuq daxbuz gou gvaq cieng. Aen mbanj ranzcoj daengz gvaq cieng ranzranz cungj diep vacueng, buz gou raedceij baenz vayiengh gig haenq. Moix ngoenz, gou caeuq lwgnyez lajmbanj humx youq henz ndang buz gou, cik fwngz buz gou lingzvued dangqmaz, yaep he couh raed ndaej fuk vayiengh “lungz caeuq fungh hohfuk gitleih” he. Gou lij iq, mbouj rox aen neix dwg baenzlawz guh okdaeuj, couh itcig gouz buz gou son gou “bienq mozsuz”.

Buz gou couh hainduj son gou lo. Gou fwngzswix dawz mbaw ceij he, fwngzgvaz gaem fag geuz ngamq baenz raehred he, luenh raed hwnjdaeuj, baez mbouj haeujsim couh raed deng lwgfwngz lo, in dwk gou swenjatyat hwnjdaeuj, raemxda itcig lae roengzdaeuj, gou hoznyaek couh vit faggeuz youq lajnamh, daengx song ceh lwgda, swenj: “Gou mbouj hag lo!”

Buz gou gip faggeuz gou ngamq vit haenx hwnjdaeuj, unqswnh dwk naeuz: “Lanmbwk gvaigvet dingqgangj, mbouj daej la, mwngz mbouj dingq gvaq a, siengj miz hoizbauq, couh aeu hawjok.”

Dingqnyi vah daxbuz gou liux, gou cieп faggeuz gvaqdaeuj, gig yunghsim bae raed hwnjdaeuj. Yienznaeuz vayiengh gou raed okdaeuj gig yakyawj, hoeng, aen neix dwg gou baez daih’it raedceij, ndaej raed baenz yienghneix, gaenq mbouj yungzheih lo. Gou laeglemx roengz gietsim: Itdingh hag ndei gij dinfwngz raedceij neix.

Saeh neix gaenq gvaqbae song bi lo, youq ndwenngoenz doeklaeng, gij doxdax raedceij ndaw hagdangz banh, gou cungj ndaej mingz daih’it, neix doq dwg buz gou naihsim son gou. Gou siengjniemh ndwencieng ranzcoj, danh engqgya siengjniemh daxbuz dinfwngz lingzgiuj gou.

Bi 1975, guekgya baecinj gij sezgi cobouh Camhdienhraemx Dava le, ciuq gij yigen Veiz Gozcingh, youz swcigih roengzngaenz gonq, hainduj guh gij hong geizgonq aen camh-dienhraemx hung neix, daj seizneix hwnj couh suenq cingqsik hainduj haifat Camhfatdienh Gaepmbaek Dahraemxoengz.

Caemhcaiq, Veiz Gozcingh, Cinz Yinggih daengj goengdaeuz swcigih, yiedcingz iucingj gij goengdaeuz guekgya gvendaengz bumwnz daeuj daengz Guengjsae cazyawj Dava. Gij goengdaeuz danhfanz daengz gvaq Dava, cungj naeuz diuzgen haifat Dava gig ndei, Guengjsae daengzcog guh hong ginghei hix aeu miz Camhfatdienh Dava bang gajgez nwngz-yenz. Gyoengqde yawjraen Guengjsae laemxsim gig haenq, youh miz gij doih guh hong maenhndei, cungj saenq Guengjsae guh ndaej baenz aen camhfatdienh hung neix. Yienghneix, Dava hwnjmax doeklaeng cungjsuenq

ndaej daengz guekgya dingjrenz lo. Dangbi couh bued roengzdaeuj 300 fanh maenz, bi daihngeih ndaej cingqsik liedhaeuj gij giva hwnjguh goekdaeuj guekgya bae, caemhcaiq ndaej dangqguh aen hanghmoeg cungdenj ndeu caenhhengz gensez.

Buendxaengz Dava ndaej hwnj-max, Veiz Gozcingh youh hainduj ngeixnaemj buenz geiz daihngeih lo. De cingjgouz gij goengdaeuz suijdenbu, anbaiz ligliengh doiq Lungzdanh, Dadwngzya guh dagrau sezgi. Doeklaeng, youq suijdenbu

anbaiz lajde, Yen Sezgi Cunghnanz cap haeuj Lungzdanh, Yen Sezgi Doengbaek cap haeuj Dadwngzya, gyoengqde guh le haujlai hong, caep roengz gij goekdaeuj haemq ndei hawj daihlaeng haifat song aen camh’okdienh gaepmbaek.

Veiz Gozcingh caengz ndaej yawjraen Camhdienhraemx Dava guh baenz couh lizhai Guengjsae lo, hoeng ndaej nai de dwg, gij giva cunghab leihyungh Dahraemxoengz baengh daihlaeng coihdingh, bi 1981 ndaej daengz Gozvuyen cingqsik baecinj.

Gozvuyen vix ok: Haifat gij swhyenz fungfouq Dahraemxoengz, dwg hangh cosih canloz gajgez vwndiz dieg Vaznanz yungh nwngznyenz, wnggai liedhaeuj “gij giva 6.5” caeuq gij gviveh gyaenanz bae, miz giva, baez yamq baez yamq dwk hwnjguh. Seizneix youq diuz dah neix haifat 10 aen camh’okdienh gaepmbaek, cingq cugbouh ndaej saedyienh.

Duenhneix, Guengjsae lij youq gij dah wnq guh baenz Mazsiz, Hozmienhshw daengj gij camh-okdienh cung siujhingz. (caengz sat)

Singsing Hoh Cieng Moq

声声贺新春

□ Luj Sauh

Duzlingz ak benz dat
Yungjyat daeuj nauh cieng
Bauqrengh doengzcaez ning
Singsing hoh cieng moq

Boux youq rog dajgoeng
Caemh soengyungz ma ranz
Caeuq vunzranz vunzmbanj
Camndei doxingqhoh

Ranzgwnz nyaengq gaj gaeq
Ranzlaj vaeq suek faengx
Seiqhengq goenjsaengsaeng
Maengxangq gvaq ndwencieng

Lwgnyez maij cuengqbauq
Bouxlaux maij gingq laeuj
Boux caeuq boux doxgaeuj
Riu yaeuyaeu goenghoh

Bi daengz byai doxraen
Gaem fwngz caez gangjriu

Ranzhenz song bajliuz
Riu dwk myaiz doek dengq

Haemhndaep ceiq nauhnyied
Bit gaeq noh rim daiz
Ranzvunz mbwk nem sai
Simhai gwn donq caeuz

Co’ngeih cosamseiq
Seih doxcet doxcunz
Mehbaj caeuq goenglunz
Beixnuengx caez raennaj

Gvaq cieng liux biek bae
Gak boux leix gak hangz
Gak boux gag hoh ndang
Maenhcangq caemh vuenyungz

Doxbiek daengq coenz vah
Binaj caiq doxraen
Saehcingz guh ndaej baenz
Dingh miz ngaenz baenz cumh



Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangisii Cioz Siengzcoub Liuz Giongliuj Cioz Siengzzen boiz

ndaej daengz guekgya dingjrenz lo. Dangbi couh bued roengzdaeuj 300 fanh maenz, bi daihngeih ndaej cingqsik liedhaeuj gij giva hwnjguh goekdaeuj guekgya bae, caemhcaiq ndaej dangqguh aen hanghmoeg cungdenj ndeu caenhhengz gensez.

Buendxaengz Dava ndaej hwnj-max, Veiz Gozcingh youh hainduj ngeixnaemj buenz geiz daihngeih lo. De cingjgouz gij goengdaeuz suijdenbu, anbaiz ligliengh doiq Lungzdanh, Dadwngzya guh dagrau sezgi. Doeklaeng, youq suijdenbu

anbaiz lajde, Yen Sezgi Cunghnanz cap haeuj Lungzdanh, Yen Sezgi Doengbaek cap haeuj Dadwngzya, gyoengqde guh le haujlai hong, caep roengz gij goekdaeuj haemq ndei hawj daihlaeng haifat song aen camh’okdienh gaepmbaek.

Veiz Gozcingh caengz ndaej yawjraen Camhdienhraemx Dava guh baenz couh lizhai Guengjsae lo, hoeng ndaej nai de dwg, gij giva cunghab leihyungh Dahraemxoengz baengh daihlaeng coihdingh, bi 1981 ndaej daengz Gozvuyen cingqsik baecinj.

Gozvuyen vix ok: Haifat gij swhyenz fungfouq Dahraemxoengz, dwg hangh cosih canloz gajgez vwndiz dieg Vaznanz yungh nwngznyenz, wnggai liedhaeuj “gij giva 6.5” caeuq gij gviveh gyaenanz bae, miz giva, baez yamq baez yamq dwk hwnjguh. Seizneix youq diuz dah neix haifat 10 aen camh’okdienh gaepmbaek, cingq cugbouh ndaej saedyienh.

Duenhneix, Guengjsae lij youq gij dah wnq guh baenz Mazsiz, Hozmienhshw daengj gij camh-okdienh cung siujhingz. (caengz sat)